



СОВЕТСКИЙ МОЛОДЕЖЬЫН КУАНЫМАШАН ПАЙРЕМЖЕ

Таче пүтүнь советский молодежь шкенжын кугу куанымашан пайремжым—физкультурникин Всесоюзный кечыжым пайремла. Советский столицын шүмжб—Йошкар площадь гыч тунгалын, социализм сенгеме элын чыла олаласе да элласе урем-шамыч таче турло тусан мотор чия-шамыч дене пеледалтыт. Бронза тусан айдеме кап дене ышталтше пеш сылне турлем шамыч вучыдымын кушкыт, стадион—шамыч шочыт, икте почеш вес гимнастический упражнени-шамыч ышталтыт. Советский молодежь шке родинажым кеч могай тушман деч аралаш ямде улмыжым, Ленин—Сталин партияын пашажлан мучашыш шумеш преданный улмыжым таче эше рашак ончыкта.

„Таза кап-кылан, весела, Советский элын куатшым кўлеш кўкшытыш нўлтал кертше да тудым тушман деч арален моштышо у пашазе пополненийым куштымо“ верген ВКП(б) XVI съездыште Сталин йолташын ыштыме указанийже мемнан молодежьым паша деятельностьлан да родинам аралашлан ямдылмаште физический культурын тунг задачыжым ончыкта.

1931 ийыште илышыш пуртымо ГТО комплекс СССР-ыште физический культура кушкышлан ончыкылык программа лийын.

Мемнан элысе физкультурный движений шагал огыл успехым иметла. Шүдб тўжем дене спортсмен коклаште лу дене талантшамыч ойыралтыт. Нунын лўмыштым мемнан элыште велэ огыл, Советский Союзын чапшым моштен аралы-

маш нерген граница вес велнат палат.

Тиде шотышто мемнан пеледалтше Марийский республикнат ятыр чапле спортсмен-шамычым иметла.

Теве лыжный спорт дене первый разрядан 4 спортсменна уло: Ломакина, Максимова да И. Савельев („Учитель“), Хлынова („Лесослав“). Тугак лыжный спортын 4 мастерже уло: П. А. Кузнецов („Спартак“), Г. И. Павлов („Лесослав“), Д. П. Соколов („Учитель“) да К. А. Андреева („За оборону“ колхоз). Вудышты иймаш дене П. А. Кузнецов первый разрядым иметла.

Тыгай чапле примерым шуко ончыкташ лиеш. Вет спортсмен-шамыч эре у да у сенгымашым ыштат. Тиде сенгымаш-шамычым физкультурникин Всесоюзный кечыже эшеат раш ончыкта. Тиде кече молодежьын велэ огыл, а пүтүнь Советский калыкын пайремже. Советский калык шкенжын кўртнў нерван, кеч могай кучедалмашланат ямде улшо самырык поколенийжым куанен, кумыл нўлтын, ушанен онча, тудын дене моктана.

Физкультурникин Всесоюзный кечыжым пайремлы-маш кажне физкультурник, кажне самырык ег ончылан эшеат кугу задачым шында. Эн первояк—кажне самырык пашазым, колхозникым физкультурный движений дене авалташ. Кокымшо—родинам кеч могай тушман дечат арален моштышо таза кап-кылан, нимо деч лўддымб поколенийым, Ленин—Сталин партиялан, родиналан преданный улшо патриот-шамычым кушташ.

Машинно-тракторный станциялаште пашам ыштыше тракторист ден комбайнер-шамычын паша гыч самовольно каймашыштым чарыме нерген

СССР ВЕРХОВНЫЙ СОВЕТ ПРЕЗИДИУМЫН УКАЗШЕ

Колхоз ден машинно-тракторный станций-шамычын шуко йодмыштлан лийын СССР Верховный Совет Президиум пунчалеш:

1. СССР Верховный Совет 1940 ий 26 июнысо Указшын, икымше ден кокымшо статьяже деч посна, действующим машинно-тракторный станциялаште пашам ыштыше тракторист, тракторный бригада-шамычын бригадирышт да нунын помощникиштылан шараш. Указын икымше ден кокымшо статьяже-шамыч ончыктымо категориян пашаен-шамычлан ял озанлык пашан сезонный характеран улмыжлан кўра огыл шаралт.

МТС-ласе штатный пашазе-шамычлан семьянак, комбайнер-шамычлан 1940 ий 26 июнысо Указым тичмашын шараш.

2. Тиде Указ 1940 ий 18 июль гыч вийыш пура.

СССР Верховный Совет Президиум Председатель

СССР Верховный Совет Президиум Секретарь

Москва, Кремль. 1940 ий 17 июль.

Всесоюзный соревнованийыште первый верым налыныт

Кодшо кечылаште мемнан республикысе „Учитель“ обществен-члевже-шамыч „Учитель“ добровольный спортивный обществен Всесоюзный соревнованийышкыже Куйбышев олашке миенят. Соревнованийыште мемнан республикысе физкультурник-шамыч чапле результатым ончыктеныт.

Теве Д. П. Соколов йолташ 800 метрыш куржмаште первый верым налын, тудын жапше 2 минутат 5,5 секунд. Удрамаш кокла гыч 800 метрыш куржмаште Г. Максимова йолташ первый верыш лектын, тудын жапше 2 минутат 36 секунд.


15 кечыште 3 миллионат 9 тўжем тенге

Тений Йошкар-Олаште Кумышо Пятилетка (кумышо ий выпуск) у заемлан подписка, кодшо ий деве танастарымаште, пеш кугу политический нўлталмаш дене эртыш.

1939 ийыште Йошкар-Ола мучко подписка тўналме кечыште 1 миллионат 511 тўжемлан подпискым погымо ыле. Тиде ийынак 15 кечыла чылаже 2 миллионат 534 тўжем тенгелан подписка темалтын. Тений у заемлан подписка тўналме кечын—2 июльышто 2 миллионат 156 тўжемаш подпискым погымо. 645 тўжемлан умашсе деч шуко.

15 кече жапыште 3 миллионат 9 тўжем тенгелан подпискым ыштыме.

А. Абрамов.



Физкультурникин кокымшо Всесоюзный кечыжлан лукмо художник А. Канарскийн плакатше.

Призывлан сайын ямдылалтыт

Мустаевский сельсовет мучко (Сернурский район) чылаже 15 допризывник-шамыч улыт, нунын кокла гыч 12 комсомолец. Допризывник-шамыч чыланат 3—4 оборонный значок гыч иметлат.

Допризывник-шамыч шке политический шинчыма-шыштымат сайын нўлтен шогат. Теве комсомолец Байков, Казанцев, Дмитриев йолташ-шамыч „ВКП(б) историй краткий курсы“ 6-шо главажым изучатлен пытареныт.

Нуно колхоз пашаштат чапле примерым ончыктат. Теве „Мопр“ колхозышто Токтаулов, Кропотов, „Олманур“ колхозышто Шабалин, „Мустай“ колхозышто Анисимов ден Казанцев йолташ-шамыч кечаш паша нормым эрезак 120—160 процентлан темат.

Допризывник-комсомолец-шамычын инициативышт дене 3 колхозышто осовахиновский организационный организоватлыме.

В. Дмитриев.

СОВЕТСКИЙ СОЮЗЫШТО

Харьковский военный округышто тўналше стрелково-тактический соревнованийын участникше капитан Котов йолташ револьвер гыч лўймаште 70 возможный гыч 69 очком налын.

Хотинский уездысе Новоселица местечкеш (Бессарабия) молодежь-шамычын клубышт почылтын. Тушко кажне кечын 500—600 ег коштеш.

Кызыт гына почылтшо спартакиадыште Ферганский, Бухарский, Самаркандский да Узбекистанын молодобластьласе 300 угла самырык спортсмен-шамыч республикыште первый верым налмаш верч кучедалыт.

Орловский областысе Дятьковский районеш у

цементный заводым ыштен шуктымо.

Русаново становицын промышленникше-шамыч (Новая Земля) гагыя пунжым погаш тўналыныт. Кызыт 500 килограмм погымо. Тыгак Кармакула становицын промышленникше-шамыч пуным погаш тўналыныт.

СССР наука Академийын Казахстанский филиалже фольклорым погаш кум экспедицийым организоватлен. Алтайыште, Запдно-Казахстанский областын степьлаштыже да Аральский тегызын серлаштыже нуно казахский калыкын историйже дене кылдалтше былина, легенда, преданиям, муро ден поэма-шамычым погаш тўналыт.

Камчаткын западный

серлаштыже кета колын массовый каймашыже тўналын. Микоян лўмеш Рыбокомбинат первый кечыште ставной невод-шамыч дене 140 центнер да Озерновский—110 центнер колым кученыт.

17 июльышто Ленинград—Выборг участкыште 11 вагонан первый опытный скоростной поезд каен. Тудо Ленинград гыч 18 шататат 50 минутышто лектын да 22 шататлан Выборгский вокзалыш толын. Тыге тудо чыла кужытшым 3 шататат 10 минутышто каен. Корнышто поезд Териокеш ик 15 минутан чарнымашым ыштен.

18 июльышто эрдене поезд Ленинградышке толын. Мўнгеш корнымат тиде жапыштак эртен.

Комсомолын активный членже

Василий Дмитриевич Митрусков йолташ Ленинско-Сталинский комсомол радамшыке 1935 ий декабрьште пурен. Тудо комсомолш пурмышжо кечак союзын пашаштыже активно участвоватлаш тунгалын. Комсомольский организацийн чыла порученийже-шамычмат уло кумылжо ден шуктен шоген.

Митрусков йолташ шке политический шинчымашыжымат эреак нолтен шога. „ВКП(б) историй краткий курс“ лекмешке, тудо политкружокышто тунемын. Но самырык комсомолецым



кружковый паша удовлетворятлен кертн оыл. Пропагандист - шамыч эреак васталтын, а мучашыжлан кружокшат шаланен. „ВКП(б) историй краткий курс“ лекмеке гына тудлан кугу полымш лиын. Эн первояк посна глава-шамычым лудын, вара келгынак изучатлаш пижын. Тений мартыште изучатлен пытарен да кызыт первоисточник почеш VII главам изучатла.

Местный советлашке сайлаш ямдылалтме годсек Митрусков йолташ агитаторлан ышта. Посна комсомольский организацийлашке лектын, докладым ышта, беседым эртар.

Организацийлаште тудо практический полымшмат пуа. Теве Йошкар-Оласе овощесовхоз пеленсе комсомольский организацийсе комсомолец-шамыч газетым лудын шоген огыт, радио уке улмаш. Оборонный кружок - шамычым организоватлыме оыл. Митрусков йолташын тыршымыже дене кызыт тиде организацийште пашам саемдыме. Оборонный кружок - шамычат пашам сай ыштат.

Митрусков йолташ Наркомторг пеленсе комсомольский организаций секретарын заместительжлан ышта. Организацийште трудовой дисциплина сай, погынымаш-шамыч жапыштыже да моштен эртаралтыт. Чыла комсомолец-шамыч „ВКП(б) историй краткий курсым“ изучатлат.

Тиде шотышто Митрусков йолташ комсомолын активный членже семын ыштен, кугу полымшмат пуэн.

Ив. Лит.

СЕРНУРЫШТО АКТИВЫН ПОГЫНЫМАШЫЖЕ

14 июльшто Сернурский районысо комсомольский активын погынымашыже лиын. Актив ВЛКСМ Центральный Комитет XI пленумын итогшо нерген вопросым обсуждатлен. Тиде вопрос дене докладым ВЛКСМ райком секретарь Мамаев йолташ ыште. Пренийште 17 ен выступатлен. Доклад гыч да пренийште ойлыма гыч рашак пале: ВЛКСМ Центральный Комитет XI пленумышто ончыктым гай ситыдымаш-шамыч мемнан комсомольский организацийштат шагал оыл лиыныт.

Районышто комсомольский актив 602 енгыш шуэш, но пашаште целыжат огеш участвоватле. Местный Советлашке сайлымаште 812 комсомолец участвоватлен, но кызыт нунын кушто улмыштым нигбат ок шинче.

Чылажат тиде актив дене пашам начар ыштымаш раш ончыкта. У комсомо-

лец-шамычым активный пашашке огыт шуш. Садланак вет районышто угыч пуртым 56 комсомолецлан алят билетым пуэн шуктым оыл. Первичный комсомольский организаций-шамычын секретарышт шукыж годым комсомол райкомын платный пашаенгыштым вучен киенит, шке вийыштан ушанен огыт. Тудланак вет Нижне-Кугерский сельсовет „У мари ял“ Казанский сельсовет Молотов лумеш колхоз пеленсе комсомольский организаций-шамыч нимогай пашам ыштен огыт, погынымашат лиймаш уке.

Актив погынымаш улшо ситыдымашым пеш вашке торлаташлан, комсомольский пашам ВЛКСМ Центральный Комитет XI пленумын пунчалже основеш перестроитлашлан конкретный решенийм приниматлен.

М. Яныш.

Пленумын пунчалжым обсуждатлышт

„Чевер ужара“ колхоз пеленсе комсомольский организацийсе комсомолец-шамыч (Сернурский район) ВЛКСМ ЦК XI пленумышто ыштыме ВЛКСМ ЦК секретарь Михайлов йолташын докладшым да пленумын пунчалжым кугу куа-

нымаш дене обсуждатлышт. Обсуждатлымаште комсомолец-шамыч ятыр ситыдымаш-шамычым тужвак луктыч да нуным вашке корандашлан практический мероприятия-шамычым палемдышт.


И. Росляков.

Ончыл организаций

Кировский область Пижанский район „Комсомолец“ колхоз пеленсе комсомольский организаций районышто ик ончыл организацийлан шотлалтеш. Организацийште массово-умылтарымаш пашам сайын шындыме. Садлан организаций эреак кушкеш. Пытартыш жапыште 3 енм

комсомолш пуртым. Комсомолец-шамыч колхоз пашаште ончылно улут. Гусева Мария, Семенов Петр да молот моло колхозник-шамычлан сай примерым ончыктат. Комсомолец-шамычын инициативышт дене шукерте оыл пұям пұен, колым колтышт.

А. Ештубаев.



ВЛКСМ Йошкар-Олинский райкомын постоянный комиссийже-шамыч пашашке пижыныт. Снимкыште: комиссийн председателже ден членже-шамыч „Комсомольская правда“ газетым лудыт. Шола гыч пурлашке: Г. П. Захаров — агитаций ден пропаганда комиссий член, А. С. Зайцев — агитаций ден пропаганда комиссий председател, К. С. Егшин — военно-физкультурный комиссий член, А. И. Луковников — военно-физкультурный комиссий председател да В. И. Власова — райком секретарын внештатный заместительже.

Фото М. Чуршуковин.



Йошкар-Олинский МТС-ын комбайнерже В. Н. Шеин йолташ 500 гектар площадыште шурным поген налаш обязательствым налын.

Снимкыште: Шеин йолташ участкыш лекмыже деч ончык шке комбайнжым эше ик гана онча.

Фото М. Чуршуковин.

Комбайнер-шамычын обязательствышт

Йошкар-Олинский горючийым арален кодаш. МТС шурно погашлан Нине пункт - шамычым кўлешын ямдылалтын. Тенийсе ийыште Йошкар-Олинский МТС-ысе Олинский районышто чылаже 10 комбайн колхоз пашаште пашам ышташ тўналеш. Нунын кокла гыч 9 южный да 1 северный комбайн. Кызыт комбайн-шамычым чыла ремонттироватлен пытарыме да комбайнер ден помощник-шамычым комбайн еда пенгыдемдыме. Комбайн дене пашам ышташлан 17 колесный тракторым ойырымо.

Йошкар-Олинский МТС-ысе комбайнер-шамыч Ново-Торъяльский МТС-ысе комбайнер-шамычын письмаштым обсуждатлымек, шке ўмбакышт тыгай обязательствым налыныт.

1. Шурно погым ыжыште ик комбайн дене чылаже 450—500 гектар деч шагал оыл шурным погаш.

2. Паша жапыште аварий да паша деч посна шогымаш вастареш решительно кучедалаш.

3. Кажне гектарлан пел килограмм деч шагал оыл

Тыгак нуно шке коклаштышт индивидуальный обязательствым налыныт.

Теве Йошкар-Олинский МТС-ын стахановецше В. Шеин йолташ В. Голиков йолташ дене договорым ыштен.

В. Шеин йолташ тений Княжнинский участкыге „Передовик“ колхозышто пашам ышташ тўналеш. Тудо шке пашажым кумылын шуктен шогаш мутым пуэн.

Мый тений чылаже 500 гектар гыч шурным поген налаш да кажне гектарлан пел килограмм горючийым экономитлаш, сменяште (государственный норма 7 гектар) 15—18 гектар гыч шурным поген налаш тўналам, — манеш Шеин йолташ.

— В. Шеин йолташын ўжмб пунктшым приниматлен да тиде пункт-шамычым шукташлан уло вием пыштен пижам, — манын В. Голиков йолташ оила.

Н. Тымбаршев.

Выставкыш кая

Сельский Совет депутат А. Тихонова йолташын вуйлатыме Мари-Китвенский сельсовет пеленсе лудмо порт (Мари-Турекский район) колхозник - шамычын йбратыме верышт. Лудмо порт плакат, лозунг-шамыч дене сай сбрастаралтын. Тыште эреак свежий газета ден журнал-шамыч лиыт. Лудмо порт пелен чаплын оформитлыман пырдыж газета эреак лектын шога.

Тихонова йолташ колхозник ден колхозница-шамычлан международный положение нерген да Советский Союзысо илыш нерген газета гыч лудын умылтара.

Тихонова йолташым пашам сай ыштымыжлан Все-союзный ял озанлык выставкыш колташ ыштыме.

А. Сергеев.

ТАЧЕ ФИЗКУЛЬТУРНИКЫН КОКЫМШО ВСЕСОЮЗНЫЙ КЕЧЫЖЕ

СПОРТ ДЕНЕ ЗАНИМАТЛЫЗА



П. В. Глебова йолташ („Учитель“ общество) кужытыш торштымаште удра-маш кокла гыч 4 метрат 58 сантиметрыш торштен. Тудо у республиканский рекордым ыштен.
Фото М. Чуршуковын.

Владимир Ильич Ленин физический упражнени-шамыч дене да поснак гимнастика дене заниматлаш пеш йоратен. 1892 ийыште Владимир Ильич шке аважлан возен: каже кечын гимнастика дене пеш кугу куанымаш ден да пайдалын заниматлем.

Спорт ден гимнастикым советский йоча - шамычат йоратыде огыт керт.

Каже советский школьник, каже пионер, летчик, танкист, подводник, исследователь лияш тыршат. Нуно Папанин, Чкалов, Громов, Коккинаки, Стаханов, Валентина Гризодубова гай лийнешт.

А нуно, мемнан героина-шамыч, чыланат физкультура да спорт дене заниматлат.

Михаил Михайлович Громов самолет дене сайын овладеватлымжлан гына огыл летчик лийын, — Михаил Михайловичын шум-жб пентгыде, кидше виян, тудо кертнб волян, да тудлан ни скорость, ни кукшата, ни мундуркб чонгештымаш лудыш огыл. Чыланине качество - шамычым тудо, спорт дене чарныде заниматлен, ыштен шуктен.

Героический седовец-шамыч шыде дрейфштыт годымат физкультурым монден огытыл: шке корабльышт дене, ий умбалне, се-

донец - шамыч гимнастика дене заниматлен, ече дене коштыныт, футбол дене модыныт.

Кечан кенже кече-шамыч спорт дене заниматлашлан пеш келшыше улыт. Водный станцийыште, вудышто шке кечетым кузе чап-лын эртараш лиеш! Инструкторын вуйлатымже почеш сайын ияш, вышка гыч торштылаш, греблялан тунем шуаш лиеш.

Культура ден каныме парклаште, стадионлаште, спортивный площадкылаште легкий атлетика дене, гимнастика дене заниматлаш, модыш-шамыч дене модаш лиеш.

Баскетбол, волейбол, военный модыш-шамыч дене модаш, спортын чыла видше денат соревнованийлаште участвоватлаш — пионерский лагерьлаште кунарсылне. Шке капнам чарныде да кулеш наре кечыште калитлашат, йуштылашат мондаш огеш кул.

Каже школьник, каже пионер „БГТО“ („Будь готов к труду и обороне“) значокын чыла нормыж денат овладеватлаш да значокым налаш тыршышаш.

Пионер — коммунистический обществен ончыккык строительже, Йошкар Армийын боецше — физический виян, выносливый ег-лийшаш. А. Танальский.

Нолхозный молодежь физкультурым йората

Новый-Тор-ял. (Телефон дене). „Уял“ колхозысо (Ново-Тор-яльский сельсовет) физкультурный организаций колхозлазе физкультурный организаций-шамыч кокла гыч районшты ик ончык организацийлан шотлалтеш. Колхозный молодежь кумыл нолтын физкультура дене заниматла.

Организацийыште чыла-

же 27 член уло, нунын кокла гыч 4 удир. Тений 17 ег ГТО значоклан нормым сдатлен, нунын кокла гыч 1 удир. Физкультурник-шамыч кас еда колхоз, паша гыч толмекышт футбол, волейбол, баскетбол дене тренироватлат, спортын, моло видше денат эреак заниматлат.

Иванов.

Йоратыше удыр-шамычлан

Комбо-шамыч эртат вуй умбач когоклен, Силне мурым чевер шошалан пдлеклен. Иканаште лупшалыт виян шулдырлаштым Кумдыкеш канде южым тазан шушкыктен.

Мый тендам саламлем, пеш мундур унала, Кечылан ваштареш пилоткемым налам. Кидым кушкб нолталын, мый шулдыранын, Шукертсек шонымем каласаш тунгалам.

— Шулдыран йолташ-влак! Элнет йогын воктек, Нур умбалне куралше мотор удыр дек Шулдырешда наггайза тыматле мутемым. Ойлыза танемлан — мыйым вучыжо тек.

Те тудлан ойлыза: „Кушто вер шукката, Тушто тыйын тангеш эре ямде шога. Тоштыжлак шарна тыйым кастек, походлаште, Тоштыж дек шошынрак, келгынрак йората“.

Шергакан родо-влак! Весела мурыдам Чон йулен, саламлен колыштам да кодам, Ушанен шулдырланда лудде чонгешталза, Лийже сай, пиалан пеш тора корныда.

Комбо-шамыч эртат йуд йумак мутланен. Пуйто нуно ойлат ваштареш мыланем: „Тый ушане, боец! Ойыган саламетым Шуктена тангет дек йомдарде намиен“.

Казак Миклай.

И. Росляков. 1940 ий, май.



Кужытыш торштымаште у республиканский рекордым ыштыше (6 метрат 40 сантиметр) Йошкар-Оласе „Динамо“ обществен членже М. И. Шитухин йолташ.
Фото М. Чуршуковын.

Мый спортым йоратем

Спорт дене мый изем гомдымак заниматлаш тунгалынам. Монгешем изи спортивный городокымат ыштенам ыле.

1931 ийыште первый гана районный спартакиадыште участвоватленам да кум кумышо верым налынам. Тидын деч вара спорт дене утларак заниматлаш тунгалым.

Карачуринский шпалозаводышто пашам ышты-мем годым заводеш физкультурный кружокым организоватлышым. Тушко молодежь куанен возалте. Тиде кенжемы 15 I ступень ГТО значкистым ямдылышым.

Вашке Йошкар-Олашке областной спартакиадышке логалым. 100 метрыш курж-маште, ядром кудалты-маште первый верым на-лым да кутышыш торш-тымаште рекордым устано-витлышым. Результатом 5 метрат 96 сантиметр ыле.

Пашазе-Кресаньык Йошкар Армий радамышке при-зываетмекемат, НКВД войска - шамычын, РККА ден Флотын Всесоюзный соревнованийыштышт да ту-леч моло вереат участво-ватленам.

Кодшо ийын Чебоксар олаште лийше 9 националь-ный республик - шамычын соревнованийыштышт 100 метрыш куржмаште у рес-публиканский рекордым (11,5 секунд) установиты-шым. Тений шоным мый эреак да виян тренироват-лаш тунгалым. Шуко гана шке рекордемым повго-ритленам. 29 июльышто эр-тыше отборочный соревно-ванийыште кум первый ве-рым налым да кужытыш торштымаште у республи-канский рекордым устано-витлышым (6 метрат 40 сан-тиметр).

Шушаш 9 национальный республика-шамычын со-резованийыштышт пелеш-ше Марийский республи-кын чапшым сайын аралаш тунгалам.

М. Шитухин,

„Динамо“ обществен оборонно-спортивный отделжын началь-никше.

Передвижной йоча технический станций

9 июльышто, пионерский лагерьлазе йоча техниче-ский станцийлам обслужи-ватлашлан, тугак уэш ор-ганизоватлашлан, респу-бликанский йоча техниче-ский станций организоват-лыме передвижной йоча технический станций район-лашке лектын.

Передвижной йоча тех-нический станцийыште авио-модельный лабораторий, радио - лабораторий, самы-рык натуралист - шамычын лабораторий, фото-кино, с'е-мочный лабораторий-шамы-чым организоватлыме. Чы-ла лабораторий - шамычат Йошкар - Оласе самырык техник актив дене обслу-живатлалтыт.

Йоча технический стан-ций Ново-Тор-яльский, Ор-шанский, Пектубаевский, Сернурский, Косолапов-ский, Мари-Турекский, Ку-женерский, Ронгинский ра-йонлаште лиеш.

Тудо, районлазе пионер-ский лагерьлаште йоча тех-нический творчеством эше кумдан шараш манын, шке ончыланже задачым шын-ден.

Кино-с'емочный группа пиалан йоча-шамычын ла-герьыште кумыл нолтын канымыштым кино-журнал-лан сниматлаш тунгалеш.

С. Иванов,

Республиканский йоча техниче-ский станцийын директоржо.

У тунемме ийлан ямде улыт

Руя-Солинский средний школа (Ронгинский район) у тунемме ийлан ямдыла-таш апрель тылзыштак ту-галын. Кызыт школа чыла-же 350 кубометр пум ям-дылен, 100 кубометржым пучкеден шельшт оптымо. Чыла классым штукатури-тыме, комака - шамычым ошемдыме да иктым угыч оптымо. Тений угыч 20 партым ыштыктыме, мо-лыштым ремонтроватлы-ме.

Ученик-шамычлан кни-гам, тетрадьым, ручкам, пером да карандашым си-тышын ямдылыме. Школь-ный библиотекешке еша-рен 50 тенгеаш художе-ственный литературым на-лме.

И. Щербаков.

Кенже каникулым весе-лан, куанен эртарыше йоча-шамычым каже школат ямдылалтын вашлийман. Ти-де пашам Моркинский ра-йонысо Шиньшедурский начальный школа шукта-шак тырша. Кызыт тыште 4 классный доскам, 2 шка-фым, 14 партым, окна-ша-мычым сайын ремонтро-ватлыме. Школьный би-блиотекеш 114 экземпляр художественный литерату-рым ешарен налме.

Тыгак Семи-Солинский на-чальный школат у тунемме ийлан сайын ямдылалтын. Телылан олташ лум ситы-шын шушкыктымо. Клас-сный доскам, парта ден шкаф - шамычым чап-лын чиялытыме. Школыш кош-таш шушо ийготан йоча-шамычым учетыш налме.

Сергеев.

„Учитель“ общество

„Учитель“ добровольный спортивный общество Все-союзный физкультурник ке-чым кугу успех-шамыч де-не вашлие. 1940 ий 1 ян-варь гыч 20 июль марте обществен членже-шамыч 538 ег гыч 780 егшым куш-кын. Общество член-шамыч кокла гыч 1 ег спортын мастерже, 1 разряд 4 ег, 2 разряд 6 ег да 3 разряд 27 спортсмен шотлалтыт.

Посна районлазе учи-тель-шамыч коклаште „Учи-тель“ общество пашам сай-ышта. Теве Горно-Марий-ский районшты „Учитель“ о б щ е с т в о (председатель Красильников йолташ) ГТО значоклан нормым сдатлы-маш планым 150 процент-лан темен. Юринский райо-ныштат обществен предсе-дателыже Зауэр йолташ па-шам сай шынден. Средний школын 10 — 9 — 8 клас-слаште тунемше-шамыч чы-ланат ГТО значоклан нор-мым сдатлен.

„Учитель“ спортивный обществен членже-шамыч Д. П. Соколов, Р. Бабуш-кина, Н. П. Софронов, Г. Максимова, В. Винокуров да моло йолташ-шамычат кеч могай соревнованийыш-тат чапле результатом он-чыклат.

Ончыкыжым ме, пашам эшеат утла саямдашлан ли-йын, нине сенымаш-шамы-чеш нигузеат шогалын огы-на керт, уло вийым пыш-тен паша ышташ пажына.

Хмельков.

НОРМЫМ СДАТЛЫШТ

„Чевер ужара“ колхозы-со (Сернурский район) до-призывник-шамыч шушам призывым куанен вучат. Нуно чыланат ныл оборон-ный значокан лияш шке ончыланшты боевой зада-чым шынден. Кызыт ти-де задачым кече еда шук-таш тыршат.

Теве допризывник С. Рос-ляков, М. Пайбулатов, Абланов да молат ГСО, ПВХО, ВС, ГТО значоклан нормым сдатлышт.

И. Росляков.

В. Рожкин.

КАУНАСЫШТЕ

Йыр волгыдо, тымк, кечан кечывалым
Латвизымше июньшто границым вончен,
Йошкар Арми пурш литовский мландыш
Великий дружбым знамьла нолтен.

Шоссе корно дене колонна шуйналтын,
Села гыч олашке эрта кўртньо строй.
Эн ончылно танкым вўда пешак талын
Советский отважный ушанле герой.

Вот южышто мурым мотор шергылтарыш,
Звено, эскадрилий эртат почела.
Эртат ял ўмбачын, эртат нур ўмбачын,
Йыр канде каваште орел тўшкала.

Литовский столицыш Йошкар Арми пурш,
Кугу куанымаш ден лўшка Каунас.
Оркестр рашкалтыш пеш куштылго мурым,
„Ур-ра!“ кычкырмаш йўк шарла йырымваш.

Пашазе, служащий чылан чумыргенит,
Чурийыште кажнын куан пеледеш.
Йошкар Армиым нуно шукерте вученит,
Садлан таче шўмкыл у семен модеш.

Мотор Каунасын чыла уремла гыч
Пеледыш аршашым нумалын кондат.
Йошкар боец-шамычлан калык кокла гыч
Кугу пагалмаш ден букетым кышкат.

Литовский граница эше пенгыдеме,
Ок вончо шпион нигушеч, нигунам.
Шога ынде тыште ушанле айдеме,
Отпорым пуаш кертеш кеч кунам.

Литовский правительство эше чот дружнын
Советский Союз ден илаш тўгалеш.
Ме ончыкшо утыр шкенан тиде дружбым
Эше саямден толына иквереш.

1940 ий.

Пырдыж газетым кугун аклат

Молотов лўмеш колхозышто (Моркинский район, Щалинский сельсовет) „Пасу ударник“ пырдыж газетам ынде ятыр ий годсек лектеш.

Пырдыж газетын редакторжо Н. Давилов йолташ газета лукмаш пашам моштен организоватлен. Тений 6 тылзе жапыште чылаже 10 номер лектын. Газетыш эреак возен шогышо 17 стенкор уло. Давилов нунын дене чўчкыдынак беседым эртара, мо нерген возышашым умылгара. Садлан пырдыж газета колхоз пашаште ситыдымашым тўрлаташ чот полша.

Теве колхозник Н. Сермолаев конюхлан ыштен.

Тудо шке пашащкыже халатно отвоситлен, имешамыч лавран виташте шоге-ныт.

Ик стенкор Сермолаевын осал пашажым ужын, пырдыж газетым возен. Тылеч вара тудо шке титакшым умлен налын да пашажым тўрлатен.


Тыгай пример - шамыч „Пасу ударник“ пырдыж газетын практикыштыже ятыр лиеденит. Тудо колхоз илыш гыч сайжымат, удажымат эреак раш ончыктен шога. Садланак вет Молотов лўмеш колхозын членже-шамыч „Пасу ударник“ пырдыж газетым пеш чот йоратат, тудым кугун аклат.

А. Сергеев.

У ПЌРТЫМ ЫШТАТ

Параньгинский районысо „У корво“ колхозын членже-шамыч Ф. И. Иванов, Г. А. Алексеев, М. Ф. Федоров йолташ-шамыч кызыт у пўртышто илат.

Рельцев.



Марпединститутын комсомолец-учитель-заочникше-шамыч партий историй дене госуларстегеный экзаменлан ямдылалтыт. Шола гыч пурлашк: А. А. Иванова, Л. А. Рябова да В. Н. Фурзикова йолташ-шамыч (2 литературный учительский факультет).

Фото М. Чуршуковин.

У шурным погаш ямде огытыл

„У илыш“ колхоз (Параньгинский район) у шурным погаш ямдылалташ пашам начар ыштен.

Колхозышто 2 жнейка уло, нуным сайын ремонтроватлыме огыл. Чылаже 150 мешак кўлеш гын, улыжат 50 мешак велз уло. Амбарыште але мартеат дезинфекцийым ыштыме огыл, сушилка леведыш деч посна шинча.

Тыгак „У корно“ колхозат начар ямдылалтеш. Кок сушилка гыч иктыжымат ремонтроватлыме огыл, тыгак агун леваш тич куштра темын.

Колхозын шке грузовикше уло, но тудым але мартеат ремонтроватлен огытыл. Шофер С. Лобанов йолташ кажне кечын правлений деч машинаш ремонтроватлашлан оксам йодеш гынат, колхоз председатель П. Малинин йолташ окса верген огешат шоналте.

Нине ситыдымаш-шамычым чыла шотыш налын, кўчык жапыште шурным поген налаш чыла шот денат тўрыс ямдылалт шуман.

С. Рельцев.

Рейд кугу полышым пуэн

Ронга. (Телефон дене). Районышто шурно погаш ямдылалташым тергымаш рейдыште чыла комсомольский организаций-шамыч участвоватлеыт. ВЛКСМ райком рейдышке 36 егым ойырен ыле.

Рейд годым посна бригада-шамыч колхозлаште ситыдымаш-шамычым тўжвак луктыч. Чкаринский сельсоветысе „Вперед“ колхоз шурно погаш начар ямдылалтын. Машина-шамыч ремонтроватлыме огытыл улмаш, колхозник-шамычым посна участкылашке пенгыдемден огытыл. Бригадын полшымыж дене колхоз шурно погашлан кызыт тўрыс ямдылалт шуын.

Рейд годым бригада-шамыч колхозлаште пырдыж газетым луктыныт, погынымашым эртарен, чыла ситыдымаш-шамычым вашке тўрлаташлан конкретный мероприятий-шамычым палемденит. С. Бороухин.

Чапле кормым ямдылат

Сернурский район Больше-Ключевский сельсовет „У пасу“ колхоз пеленсе комсомольский организаций-животноводствылан ситышын пенгыде кормовой базым ыштыме верген ВКП(б) Обком ден Марийский АССР Совнаркомын пунчалыштым шуктышаш верч виян кучедалеш. Комсомолец-шамычын инициативышт дене план почеш 13 тонн силосым тўрыс оптымо, 35 центнер веточный кормым погымо. Шудым жапыште солен налме да каваныш оптымо.

Тыгак Лопинский сельсовет „У вий“ колхоз пеленсе комсомольский организацийын членже-шамычат кормовой база верч кучедалмаште шке инициативыштым ончыктенит. Нуно план почеш 18 тонн силосым оптенит, 15 центнер веточный кормым погенит. Моло комсомольский организаций-шамычланат животноводствым ситышын корма дене обеспечитлаш тыршыман.

М. Яныш.

„У корно“ колхозат (Параньгинский район) шукерте огыл 20 тонн силосым оптен.

С. Рельцев.

Звениговский район Кожла-Солинский сельсоветысе „Ташнур“ промколхозын членже-шамыч пенгыде кормовой базын кўлешлыкшым умлен налын, вольык-лан чапле кормым ямдылат. Колхозышто кызыт 50 тонн силосым оптымо да 2,5 тонн веточный кормым ямдыленит.

А. Цыпарев.

Сернурский районысо шуко колхоз-шамыч вольык-лан кормым ямдылмаште пашам начар огылышат. Теве „У вий“ колхозышто 9 центнер веточный кормым ямдылыме да эшеат ямдылат. Тиде пашаште комсомолка М. Александрова ден А. Мельникова йолташ-шамыч эн активнын полшат.

М. Тымбаршев.

„У корно“ колхоз (Оршанский район) вольык-лан чапле кормым ямдылашлан кугу вниманийым ойырен. Кызыт колхоз 10 тонн силосым оптен. Силосым кызытат опат.

М. Щербаков.

Колхозник-шамычым сайын обслуживатлышт

„Ташнур“ промколхозышто (Звениговский район) шудо солымаш годым колхозник-шамычым сайын обслуживатлышт. Олыкышто газетым йўкын лудмашым, тўшкан патефон колышмаш организоватлаштын. Колхозын культурникше А. С. Некрасов йолташ тиде пашам уло кумылжо

дене ыштен. Тудо чўчкыдына пырдыж газетым луктеш.

Кожла-Солинский сельпо олыкышко лектын, колхозник-шамычлан ужалымашым организоватлен.

Шудо солышо-шамычлан обшый столовоймат организоватлыме ыле.

Цыпарев.

Искусственный орошенийым ыштат

„Ильич“ колхоз Пестра эгереш кок пўям пўялыш. Тыгак Манага эгерешат пўям пўен шуктымо да тушко колым колтымо. Кызыт тиде пўяште вўд вакшым тўрлатат. Ик-кок кече гыч вакш йонгышташ тўгалеш.

„У пасу“ колхозын членже-шамычат пўям пўялышт да тушко тўрло колым колтышт. Пуялка эгереш изи

электроставцийым ышташ палемдышт. Электродвигательым налашлан колхоз МАССР Наркомземыш за-явкым пуэн.

Тыгак тиде колхоз вўдым искусственный орошенийлан кучылташ тўгалеш, тудлан 4 насосым налме да 4 километрлан ситыше труба уло.

В. Шибиков.

Йоратен лудыт

Башкирский АССР Калтасинский район „Сеятель“ колхоз пеленсе комсомольский организацийысе комсомолец-шамыч Марийский республикыште лектын шогышо „Марий Коммуна“ ден „Рвезе Коммунист“ газетым 22 экземплярым налын, йоратен лудыт.

Нуво „Пиалан илыш“ литературно-художественный альманахымат чарныде лудыт.

К. Иж. Болдин.

Водсемян йырже чапле пушенге кушкеш

„Дружба“ ден „Правда“ колхозышто колхозник ден колхозница-шамыч (Куженерский район) таловец-шамычын водоемым ыштыме нерген обращенийыштым илышыш пуртат. Кызыт нуно водоемым ыштен шуктен, йырже чапле пушенгым шынденит.

Г. Дмитриев.

Отв. редакторын заместительже — В. М. БОРИСОВ.

Н. Алексеев.